

# Нафл намоз вақтлари

Шайх Муҳаммад Содиқ Муҳаммад Юсуф



16:06 / 06.02.2020 29650

## Савол:

Ассалому алайкум. Қазо, нафл, таҳажжуд намозларини қайси вақтларда ўқисак яхши бўлади? Масалан, бомдод ва пешин, пешин ва аср, аср ва шом, шом ва хуфтон намозлари орасида қазо, нафл ёки таҳажжуд намозларини ўқисак бўладими?

## Жавоб: Бисмиллаҳир Роҳманир Роҳийм

Таҳажжуд намозининг энг афзал вақти кечанинг охиригидан бирidir.

Субҳдан кейин унинг суннатидан бошқа нафл макруҳдир. Шунингдек, аср адо қилинганидан кейин то қуёш ботгунча ҳам нафл ўқилмайди.

???? ???? ?????????? ??????? ?????? ?????????????? ??????????

?????: ?????? ?????????? ?????????? ??????????????????

????????? ?????????? ?????????????????????? ?????????? ??????????

?????? ?????????? ??????? ??? ?????? ?????? ?????? ??????? ??????

????????? ?????????? ?????????? ?????????????????? ?????????? ??????????????

????????????????? ?????????????? ?????????????????? ?????????? ??????????????.

????????? ??????????????????.

Ибн Аббос розияллоҳу анҳумодан ривоят қилинади:

«Менга энг рози бўлинган кишилар гувоҳлик бердилар. Уларнинг ичида энг рози бўлингани Умардир: «Албатта, Расулulloҳ соллаллоҳу алайҳи васаллам бомдод намозидан кейин то қуёш чиққунча ва асрдан кейин (қуёш) ботгунча намоз ўқишдан қайтарганлар».

Бешовлари ривоят қилишган.

Бу икки вақтда нафл намоз ўқиш макруҳдир. Тиловат саждаси, жаноза намози ва қазо намоз ўқиса жоиз.

Уламоларимиз мазкур далиллар ва улардан бошқа ҳужжатлару қоидаларни ишга солиб, намоз ўқиш ҳаром ёки макруҳ бўлган вақтларни тартибли равишда баён қилиб берганлар.

Ҳанафий мазҳаби бўйича, қуйидаги вақтларда барча намозларни ўқиш ҳаромдир:

1. Қуёш чиқаётган пайтда.
2. Қуёш қиймга келган вақтда (жума куни мустасно).

3. Қуёш ботаётган пайтда.

Қуйидаги вақтларда нафл ўқиш ҳаром:

4. Бомдод намози фарзини ўқигандан то қуёш найза бўйи кўтарилгунча.

5. Аср намози фарзини ўқигандан то қуёш ботгунча.

Ҳанафий мазҳаби бўйича, қуйидаги вақтларда ҳам нафл намозлари ўқиш макруҳдир.

6. Тонг отгандан сўнг бомдоднинг суннатидан бошқа намозларни ўқиш. Бунинг далили:

???? ?????? ?????? ???? ??????? ??????? ??????

?????????? ??????: ?????? ??????????? ?????????? ??????

??? ?????? ?????? ?????? ??????????? ??????????? ????????

????????????? ??????????: «??? ?????????? ?????????? ??????????????

????????? ??????????????????» . ?????????? ??????????????????????.

Абдуллоҳ ибн Умар розияллоҳу анҳудан ривоят қилинади:

«Расулуллоҳ соллаллоҳу алайҳи васаллам олдимизга чиқдилар. Биз фаждан кейин намоз ўқиётган эдик. Шунда у зот: «Фаждан кейин бомдоднинг икки ракъат суннатидан бошқа намоз йўқ», дедилар».

Табароний ривоят қилган.

7. Шом намозидан олдин нафл ўқиш. Чунки шом намозини тез ўқишга амрлар бор. Ундан олдин нафл ўқиш шомни кечиктириш бўлади.

8. Жума, ийд, ҳаж, никоҳ, кусуф ва истисқо хутбалари бўлиб турган вақтда. Бу вақт имом минбарга чиққандан то намозни ўқиб бўлгунча

давом этади.

9. Ийд намозидан олдин ва кейин.

10. Фарз намозга иқома айтилганда. Фақат бомдоднинг суннатини тезда, фарзга улгуриш шарти билан ўқиб олиш жоиз.

**Валлоҳу аълам.**

**«Зикр аҳлидан сўранг» китобидан**